

Cynigion a Gwelliannau i'w Trafod ar 11 Gorffennaf 2006

Cynigion a gyflwynwyd ar 4 Gorffennaf 2006

NNDM3173 Jane Hutt (Bro Morgannwg)

Cynnig bod y Cynulliad Cenedlaethol yn penderfynu:

1. Bod Pwyllgor, i'w adnabod fel Pwyllgor Penderfyniadau Cynllunio (2) 2006-5, yn cael ei sefydlu yn unol â Rheol Sefydlog 17 y Cynulliad i gyflawni swyddogaethau'r Cynulliad yng nghyswllt y materion y cyfeirir atynt yn yr Atodlen i'r cynnig hwn a nodir yng nghyswllt pob mater yn yr atodlen honno a bod swyddogaethau'r Cynulliad yng nghyswllt y rheiny'n cael eu dirprwyo i'r Pwyllgor hwnnw.

2. Mai aelodau'r Pwyllgor hwnnw fydd:

Carwyn Jones (Cadeirydd)

Lorraine Barrett

Mick Bates

Jocelyn Davies

3. Bod y Pwyllgor yn peidio â bod pan fydd Cadeirydd y Pwyllgor yn llofnodi'r llythyr penderfynu yn unol â Rheol Sefydlog 17.16 neu ar 31 Hydref 2006, pa un bynnag a fydd gyntaf.

4. Os bydd y Pwyllgor yn peidio â bod heb i'r Cadeirydd lofnodi llythyr penderfynu mewn perthynas â'r mater a nodir yn yr Atodlen i'r cynnig hwn, yna, yn yr achos hwnnw, dirprwyir y swyddogaethau a nodir ym mharagraff 1 uchod, yng nghyswllt mater o'r fath, i'r Prif Weinidog.

Atodlen

CAIS CYNLLUNIO A ALWYD-I-MEWN DAN ADRAN 77 DEDDF CYNLLUNIO GWLAD A THREF 1990 GAN MR A LLOYD AR GYFER CYNNIG I GODI TY ANNEDD A FFURFIO MYNEDFA NEWYDD I'R BRIFFORDD YN WAUNBANT, LLEDROD, CEREDIGION

APÊL CYNLLUNIO DAN ADRAN 78 DEDDF CYNLLUNIO GWLAD A THREF 1990 GAN REDROW HOMES (NORTH WALES) LTD AR GYFER CYNNIG I ADFER HEN WAITH BRICS A CHWAREL, DATBLYGU HYD AT 300 O DAI ANNEDD, CREU LLECYN AGORED, COETIR, ARDAL O GREU CYNEFIN A THIRLUNIO, ADEILADU MYNEDFA NEWYDD A GWELL I GERBYDAU A CHERDDWYR YN HEN WAITH BRICS LANE END, CHURCH ROAD, BWCLE, SIR Y FFLINT

NNDM3174 Jane Hutt (Bro Morgannwg)

Cynnig bod Cynulliad Cenedlaethol Cymru, gan weithredu dan adran 62 (1) (b) Deddf Llywodraeth Cymru 1998, yn penderfynu dirprwyo i Brif Weinidog Cymru swyddogaeth Y Cynulliad Cenedlaethol a gynhwysir yn neu o dan baragraff 2(3) (c) Atodlen 1 Deddf Cydraddoldeb 2006 ac eithrio'r rhai na ellir, yn ôl y gyfraith, mo'u dirprwyo yn y modd hwnnw.

Ni fydd dim yn y cynnig hwn yn lleihau goruchafiaeth awdurdod y Cynulliad llawn nac yn lleihau rôl Pwyllgorau'r Cynulliad wrth arfer y swyddogaethau uchod.

Gwneir y dirprwyo hwn ar y ddealltwriaeth y dirprwyir y swyddogaeth honno ymhellach, fel y bo'n briodol, i'r Gweinidog Cynulliad priodol ac i staff.

Gellir canfod copi o Ddeddf Cydraddoldeb 2006 ar y rhyngrwyd drwy ddilyn y ddolen hon: http://www.opsi.gov.uk/acts/acts2006/ukpga_20060003_en.pdf

NNDM3177 Jane Hutt (Bro Morgannwg)

Cynnig bod Cynulliad Cenedlaethol Cymru:

Yn ystyried egwyddor Rheoliadau Pwyllgorau Safonau (Cymru) (Diwygio) 2006 y gosodwyd copi ohonynt yn y Swyddfa Gyflwyno ar 20 Mehefin 2006.

NNDM3178 Jane Hutt (Bro Morgannwg)

Cynnig bod Cynulliad Cenedlaethol Cymru:

1. Yn ystyried adroddiad y Pwyllgor Deddfau a osodwyd yn y Swyddfa Gyflwyno ac a e-bostiwyd at Aelodau'r Cynulliad ar 4 Gorffennaf 2006 ynghylch y rheoliadau drafft, Rheoliadau Pwyllgorau Safonau (Cymru) (Diwygio) 2006; a

2. Yn cymeradwyo bod y rheoliadau drafft, Rheoliadau Pwyllgorau Safonau (Cymru) (Diwygio) 2006 yn cael eu gwneud yn unol ag:

a) y drafft a osodwyd yn y Swyddfa Gyflwyno ar 20 Mehefin 2006; a

b) yr Arfarniad Rheoliadol a osodwyd yn y Swyddfa Gyflwyno ar 27 Mehefin 2006.

NNDM3179 Jane Hutt (Bro Morgannwg)

Cynnig bod Cynulliad Cenedlaethol Cymru:

Yn ystyried egwyddor The Kava-kava in Food (Wales) Regulations 2006 y gosodwyd copi ohonynt yn y Swyddfa Gyflwyno ar 27 Mehefin 2006.

NNDM3180 Jane Hutt (Bro Morgannwg)

Cynnig bod Cynulliad Cenedlaethol Cymru:

1. Yn ystyried adroddiad y Pwyllgor Deddfau a osodwyd yn y Swyddfa Gyflwyno ac a e-bostiwyd at Aelodau'r Cynulliad ar 4 Gorffennaf 2006 ynghylch y rheoliadau drafft, The Kava-kava in Food (Wales) Regulations 2006; a
2. Yn cymeradwyo bod y rheoliadau drafft, The Kava-kava in Food (Wales) Regulations 2006 yn cael eu gwneud yn unol ag:
 - a) y drafft a osodwyd yn y Swyddfa Gyflwyno ar 27 Mehefin 2006;
 - b) y Memorandwm Cywiriadau a osodwyd yn y Swyddfa Gyflwyno ac a e-bostiwyd at Aelodau'r Cynulliad ar 4 Gorffennaf 2006; ac
 - c) yr Arfarniad Rheoliadol a osodwyd yn y Swyddfa Gyflwyno ar 27 Mehefin 2006.

NNDM3181 Jane Hutt (Bro Morgannwg)

Cynnig bod Cynulliad Cenedlaethol Cymru:

Yn ystyried egwyddor y Rheoliadau Halogion mewn Bwyd (Cymru) (Rhif 2) 2006 y gosodwyd copi ohonynt yn y Swyddfa Gyflwyno ar 27 Mehefin 2006.

NNDM3182 Jane Hutt (Bro Morgannwg)

Cynnig bod Cynulliad Cenedlaethol Cymru:

1. Yn ystyried adroddiad y Pwyllgor Deddfau a osodwyd yn y Swyddfa Gyflwyno ac a e-bostiwyd at Aelodau'r Cynulliad ar 4 Gorffennaf 2006 ynghylch y rheoliadau drafft, Rheoliadau Halogion mewn Bwyd (Cymru) (Rhif 2) 2006; a
2. Yn cymeradwyo bod y rheoliadau drafft, Rheoliadau Halogion mewn Bwyd (Cymru) (Rhif 2) 2006 yn cael eu gwneud yn unol ag:
 - a) y drafft a osodwyd yn y Swyddfa Gyflwyno ar 27 Mehefin 2006; a
 - b) yr Arfarniad Rheoliadol a osodwyd yn y Swyddfa Gyflwyno ar 27 Mehefin 2006.

NNDM3183 Jane Hutt (Bro Morgannwg)

Cynnig bod Cynulliad Cenedlaethol Cymru:

Yn ystyried egwyddor The Fire and Rescue Services (Charging) (Wales) Order 2006 y gosodwyd copi ohono yn y Swyddfa Gyflwyno ar 27 Mehefin 2006.

NNDM3184 Jane Hutt (Bro Morgannwg)

Cynnig bod Cynulliad Cenedlaethol Cymru:

1. Yn ystyried adroddiad y Pwyllgor Deddfau a osodwyd yn y Swyddfa Gyflwyno ac a e-bostiwyd at Aelodau'r Cynulliad ar 4 Gorffennaf 2006 ynghylch y gorchymyn drafft, The Fire and Rescue Services (Charging) (Wales) Order 2006; a
2. Yn cymeradwyo bod y gorchymyn drafft, The Fire and Rescue Services (Charging) (Wales) Order 2006 yn cael ei wneud yn unol ag:
 - a) y drafft a osodwyd yn y Swyddfa Gyflwyno ar 27 Mehefin 2006; a
 - b) yr Arfarniad Rheoliadol a osodwyd yn y Swyddfa Gyflwyno ar 27 Mehefin 2006.

NNDM3185 Jane Hutt (Bro Morgannwg)

Cynnig bod Cynulliad Cenedlaethol Cymru:

1. Yn ail-ddatgan ei gefnogaeth i nod hirdymor Llywodraeth Cynulliad Cymru o greu cenedl ddwyieithog;
2. Yn nodi cyhoeddi "*laith Pawb ac Adroddiad Blynyddol Cynllun laith Gymraeg 2005-06*", a'r cynnydd da a wnaed yn y flwyddyn ddiwethaf;
3. Yn cadarnhau polisi Llywodraeth Cynulliad Cymru o hybu'r defnydd o'r Gymraeg ym mhob agwedd ar fywyd yng Nghymru drwy ddulliau eraill yn hytrach na chyflwyno dyletswyddau statudol newydd ar draws y sector preifat gyda golwg ar y Gymraeg, y tu hwnt i Ddeddf yr laith Gymraeg fel y mae ar hyn o bryd.

E-bostiwyd copïau Cymraeg a Saesneg o "laith Pawb ac Adroddiad Blynyddol Cynllun laith Gymraeg 2005-06" at Aelodau'r Cynulliad ar 4 Gorffennaf 2006.

Gellir gweld Deddf yr laith Gymraeg 1993 trwy ddilyn y ddolen hon: http://www.opsi.gov.uk/acts/acts1993/Ukpga_19930038_en_1.htm

NNDM3190

Brian Gibbons (Aberafan)

Rhodri Glyn Thomas (Dwyrain Caerfyrddin a Dinefwr)

Helen Mary Jones (Canolbarth a Gorllewin Cymru)

Jonathan Morgan (Canol De Cymru)

Jenny Randerson (Canol Caerdydd)

Mae Cynulliad Cenedlaethol Cymru yn penderfynu:

1. y dylai'r penderfyniad ar 20 Mehefin (NDM3100, wedi'i ddiwygio) beidio â chael effaith,

ond;

2. y dylai Archwilydd Cyffredinol Cymru gyflawni'r camau a nodir ym mharagraff 2(a) a pharagraff 2(b) y penderfyniad hwnnw i:

a) edrych ar effeithiolrwydd safonau perfformiad, strwythurau, materion staffio, pwysau o ran arian ac adnoddau, ynghyd ag unrhyw faterion perthnasol eraill yr ystyrir eu bod yn berthnasol; a

b) ystyried y goblygiadau ar gyfer y dyfodol a gwneud argymhellion yn unol â hynny;

yn unol â'r pwerau a freiniwyd ynddo; a

3. y dylid paratoi adroddiad am y canfyddiadau yn unol â hynny.

Gwelliannau a gyflwynwyd ar 06 Gorffennaf 2006

Cynnig bod y Cynulliad yn penderfynu mabwysiadu'r gwelliannau isod i gynigion:

NDM3183

1. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn cyfarwyddo Llywodraeth Cynulliad Cymru i gyhoeddi canllawiau i'r Awdurdodau Tân ac Achub ynglyn â than ba amgylchiadau y dylid codi tâl am wasanaethau a bennir dan y Gorchymyn hwn.

2. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn gresynu nad yw'r Gorchymyn hwn yn cynnwys darpariaeth i'r Awdurdodau Tân ac Achub godi tâl ar berchnogion neu breswylwyr am ymateb i alwadau di-sail ailadroddus a gynhyrchir gan system larwm tân awtomatig.

3. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yng nghyd-destun Adran 6 o Ddeddf Gwasanaethau Tân ac Achub 2004, yn cyfarwyddo Llywodraeth Cynulliad Cymru i egluro'n well dan ba amgylchiadau y caiff Awdurdodau Tân ac Achub godi tâl am gyngor a roddir i bobl ynglyn ag eiddo lle mae rhywun yn masnachu,

neu'n cadw busnes neu ymgymeriad arall.

NDM3185

1. Jocelyn Davies (Dwyrain De Cymru)

Lisa Francis (Canolbarth a Gorllewin Cymru)

Kirsty Williams (Brycheiniog a Sir Faesyfed)

Dileu popeth ar ôl '2005-06' ym mhwynt 2 a rhoi pwynt 3 newydd yn ei le:

'Yn adolygu'r angen am ddeddfwriaeth i gryfhau'r iaith Gymraeg.'

2. Jocelyn Davies (Dwyrain De Cymru)

Lisa Francis (Canolbarth a Gorllewin Cymru)

Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn cyfarwyddo Llywodraeth Cynulliad Cymru i gadw Bwrdd yr Iaith Gymraeg gyda'i bwerau, ei gyfrifoldeb a'i gyllid presennol, gan nad yw dadl Llywodraeth y Cynulliad dros uno, fel y'i nodir yn ei phapur ymgynghori, wedi argyhoeddi.

3. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn galw am ddatganoli'r pwr i ddeddfu ar yr iaith Gymraeg i'r Cynulliad Cenedlaethol yn 2007.

4. Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar Lywodraeth y Cynulliad i ddod â'r cyfleustodau o dan Ddeddf yr Iaith Gymraeg 1993, gan ddefnyddio'i phwerau i enwi sefydliadau dan Adran 6 o'r Ddeddf.

5. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i adolygu'r canllawiau a roddwyd i Awdurdodau Addysg Lleol ynghylch lleoedd gwag mewn ysgolion er mwyn sicrhau bod ymgynghori cynhwysol ac ystyrlon yn digwydd gyda rhieni a llywodraethwyr ysgol ac yn credu y bydd methu â gwneud hynny'n tanseilio amcanion Iaith Pawb.

6. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cynulliad Cymru i adolygu ei ganllawiau i Awdurdodau Addysg Lleol i sicrhau eu bod yn cyhoeddi gwybodaeth benodol am oblygiadau ieithyddol trosglwyddo disgyblion o ysgolion Cymraeg a dwyieithog eu cyfrwng, pan fydd cynllun i'w cau, i ysgolion Saesneg eu cyfrwng yn bennaf, ac yn credu y bydd methu â gwneud hynny'n tanseilio nodau Iaith Pawb.

7. Lisa Francis (Canolbarth a Gorllewin Cymru)

Ychwanegu pwynt newydd ar ddiwedd y cynnig

Yn galw ar Lywodraeth Cynulliad Cymru i roi blaenoriaeth i dai fforddiadwy yn strategaeth 'Iaith Pawb'.

8. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig

Yn credu y dylai egwyddor hawliau ieithyddol chwarae rhan allweddol yn nod Llywodraeth y Cynulliad o greu cenedl ddwyieithog.

9. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig

Yn credu bod angen deddfwriaeth newydd yn bennaf i ymgorffori'r cyfleustodau hynny sydd wedi mudo o'r sector cyhoeddus i'r sector preifat ers pasio'r Ddeddf Iaith gyfredol.

10. Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig

Yn credu y dylid datganoli'r holl bwerau dros yr Iaith Gymraeg i'r Cynulliad Cenedlaethol.